

**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Articvlvs III. Vtrum potentia intellectiua Angeli sit eius essentia.

---

[urn:nbn:de:hbz:466:1-73915](#)

spheras de vna in aliam sex mutationibus instantia-  
nes. Et cum inter quæcumque duo instantia illorum sex mediet tempus, in quo non mutatur, vi-  
que inter mutationem & mutationem interponet  
quietem temporis intermedij.

## QVÆSTIO LIV.

De cognitione Angelorum.

## ARTICVLVS I.

*Vtrum intelligere Angeli sit eius substantia.*

**A**CTENVS egit D.Thomas de sub-  
stantia Angeli, tum in se, tum per com-  
parationem ad corpus assumptum, ad  
locum, & ad motum localem. Deinceps  
differit de his, quæ ad Angeli cognitionem spectant.  
In hac verò questione disputat de actu intelligendi  
Angeli, & de facultate ad cognoscendum.

Occasionem questioni, quam in hoc primo articulo proponit, tribuit Commentator 12. Metaph. textu 51. dum afferuit, *intelligere Angelorum non esse*  
*quippam distinctum ab eorum substantia, & essentia:*  
*sicut in Deo non distinguitur.* Eadēmque videtur  
fuisse sententia Aristotelis in eo loco ac alibi.

Conclusio est. Intelligere Angeli nequaquam est  
ipsius substantia & essentia, sed quid ab ea distin-  
ctum. Prater rationes D.Thoma hoc loco, probari  
potest. Primò, quia in rebus creatis intelligere est  
vera actio immans, per quam vitaliter exprimitur  
imago rei cognoscenda, seu verbum, ut quæst. 12. &  
27. art. 1. ostendimus, estque proinde idem re cum  
verbo, ut ibidem dictum est: cum ergo Angelus sit  
res creatae, sicut intelligere illius erit quippam ab eo  
distinctum tamquam actio à principio illius effi-  
ciente, & tamquam accidentis à substantia, in quam  
recipitur. Imò sicut verbum est quippam distinctum  
realiter ab intellectu angelico, substantia Angeli,  
& species obiecti, à quibus efficienter produci-  
tur: ita intelligere Angeli (quod cum verbo tam-  
quam actio cum suo termino est idem secundum  
rem, distinctum ab eo solum formaliter) erit quip-  
pam realiter distinctum à substantia, & intellectu  
angelico. Secundò in nobis intelligere non est no-  
stra substantia & essentia, vt Commentator &  
Aristoteles concedunt, alioquin semper intelligeremus,  
cū substantia & essentia nostra nequeat à nobis  
separari ergo pari ratione in Angelis intelligere nō  
est coram substantia & essentia, si minus desistere  
numquam possent à cognitione eorum omnium  
quæ possunt cognoscere, neque possent addiscere  
quicquam dè nouo. Terriò, volitus Angeli non est  
substantia & essentia Angeli, alioquin neque libero  
prædicti essent arbitrio, neque peccare possent sua-  
pre natura: ergo neque intellectio. Paret conse-  
quentia, cū sit par ratio utroque. Denique con-  
clusio est notior, quām vt probationibus indigeat,  
illique probare tenentur contrarium, qui id affir-  
mant. Ad quod suadendum, nec verisimilem qui-  
dem rationem aliquam adducunt.

Neque verò quisquam nobis obiecit, quod si  
postrema nostra ratio quicquam probaret, posset simili modo concludi in Deo, in quo ipsius velle est  
ipsius essentia, non esse etiam libertatem arbitrij.  
Ne, inquam, id nobis obieciat. Quoniam quæ in Deo  
supra nostrum captum, demonstrationibus permoti  
confitemur, propter illius non solum, infinitam,  
sed etiam illimitatam, perfectionem, nempe velle

A hoc, aut illud liberè, solum addere supra volitionē,  
qua scipsum naturaliter vult, respectum rationis ad  
res liberè voluntas, nescientes in hac vita explicare,  
quid sit ratio fundandi eiusmodi respectus, nō sunt  
in exemplum afferenda, dum de Angelis creaturis  
finitis & limitatis est sermo, quin potius de illis finiti-  
is ac limitatis tamquam quippam luminis naturali  
evidens reputandum est, si eorum velle sit omnino  
idem cum sua substantia & essentia, esse illis omni-  
no naturale, carerèque prorsus libertate arbitrij ad  
volenda ea que volunt.

## ARTICVLVS II.

*Vtrum intelligere Angeli sit eius esse.*

**O**NCLVSI O. Intelligere Angeli non  
est esse Angeli. Probatur, intelligere An-  
geli est actio immans: esse verò Angeli  
non item: ergo intelligere Angeli non  
est esse Angeli. Præterea esse est vnius rationis in  
vnoquoque Angelo: intelligere verò diuiditur in  
scire, & opinari, quæ distinguuntur specie: ergo non  
sunt idem. Item esse præsupponitur ad hoc, vt  
Angelus intelligat, & non ē contrario: ergo non  
sunt idem.

## ARTICVLVS III.

*Vtrum potentia intellectiva Angeli  
sit eius essentia.*

**A**T hoc loco dici poterant, dicta sunt  
2. de Anima, cap. 3. vbi ostendimus po-  
tentias omnes efficientes substantiarum  
creatarum, distinguiri realiter ab ipso forum  
substantiis. Alia quæ tangit Caietanus disputata  
sunt 2. de Anima, cap. 4. 2. Physicorum, ac alibi apud  
Aristotalem.

## ARTICVLVS IV.

*Vtrum in Angelo sit intellectus agens  
& possibilis.*

**C**ONCLVSI O. D.Thomæ est. In An-  
gelo non est intellectus agens, neque  
possibilis, nisi æquiuocè. Hanc probat in  
argumento. Sed contra, quoniam intel-  
lectus agens, & possibilis constituantur in rebus  
comparatione phantasmatum: ea namque potentia,  
quæ recipere potest species intelligibiles à phanta-  
matibus, vt carum interuentu intelligat, etenus di-  
citur intellectus possibilis, aut patibilis, quatenus pa-  
tit potest eiusmodi species recipiendo, & quatenus  
per eas reducitur ad actum primum ad intelligen-  
dum: ea verò potentia, quæ concurrendo efficientes  
vnā cum materialibus phantasmatibus, ea evicit, vt  
in intellectu possibili imprimatur species merè spi-  
rituales, intellectus agens appellatur: sed in Angelo  
non sunt phantasmatæ ergo neque intellectus agens,  
neque possibilis, nisi æquiuocè.

Obserua D.Thomam velle, vt nullo modo con-  
ueniat Angelis intellectus agens: sed quod ratio, quæ  
non cogit illum in nobis admittere, locum in An-  
gelis non habeat. Etenim in nobis constituitur, quia  
cū possibilis noster intellectus medianibus phan-  
tasmatibus accipiat species à rebus: phantasmatæ au-  
tem sola, ut pote materialia, producere eas non po-  
sunt, sed quod spirituales sint, & longè excellenteris  
naturæ,

*Angelus ex  
D. Thoma  
sententia nō  
habet agen-  
tem intelle-  
ctum.*

*Auerrois &  
Aristotelis  
sententia.*

*Conclusio D.  
Thomæ negans.*

*Obiectio.*

*Solutio.*